



05-03/01.02.21. Q

Broj: 01-03-1043-2-1/21
Zenica, 29.01.2021. godine

SKUPŠTINA ZENIČKO - DOBOJSKOG KANTONA			
Prilijeno: 01.02.2021.			
Org. jed.	Broj	Prilog	Vrijednost
01-	03-	1043-2-1	21

**SKUPŠTINA
ZENIČKO - DOBOJSKOG KANTONA
n/r predsjedavajućeg**

**PREDMET: Izvještaj o radu Nezavisnog odbora za 2020. godinu
- dostavlja se**

U skladu sa članom 30. stav (1) tačka d) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj:13/18, 6/19, 22/19 i 21/20), u prilogu ovog dopisa dostavljamo Vam **Izvještaj o radu Nezavisnog odbora za 2020. godinu**, radi razmatranja istog na sjednici Skupštine Zeničko-dobojskog kantona.

S poštovanjem,

PRILOG: Kao u dopisu



DOSTAVLJENO:

1 x Naslovu,

U predmet **20. sjednice Nezavisnog odbora/04-02**

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
SKUPŠTINA
- Nezavisni odbor –**

**IZVJEŠTAJ O RADU
za 2020. godinu**

Zenica, januar 2021. godine

UVODNE NAPOMENE

U skladu sa članom 30. stav 1) tačka d) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19 i 21/20), Nezavisni odbor podnosi Izvještaj o radu za 2020. godinu.

Nezavisni odbor razmatra mjesečne izvještaje o radu Uprave policije, zajedno sa izvještajem o radu policijskog komesara, jer su rad i rezultati rada Uprave policije odraz aktivnosti policijskog komesara kao rukovodioca ove Uprave. U skladu sa odredbama Poslovnika o radu, Nezavisni odbor održava redovne sjednice najmanje jednom mjesečno, kako bi imao cjelovit i kontinuiran uvid u rad policijskog komesara i Uprave policije, odnosno sigurnosnu situaciju u Zeničko-dobojskom kantonu.

NADLEŽNOST NEZAVISNOG ODBORA

Nadležnost Nezavisnog odbora utvrđena je u odredbi člana 30. stav 1). Zakona u unutrašnjim poslovima Zeničko-dobojskog kantona, u kojoj je propisano da Nezavisni odbor:

- a) Objavljuje i provodi javni konkurs za imenovanje policijskog komesara;
- b) Vršiti selekciju i predlaže rang listu kandidata za izbor policijskog komesara u skladu sa članom 36. ovog zakona;
- c) Prati rad policijskog komesara i utvrđuje prijedlog godišnje ocjene policijskog komesara;
- d) Dostavlja godišnji izvještaj o svom radu Skupštini Kantona na usvajanje, a na zahtjev Skupštine sačinjava dodatni izvještaj o svom radu;
- e) Predlaže razrješenje policijskog komesara Vladi Kantona u skladu sa ovim zakonom;
- f) Prima, razmatra i postupa po podnesenim pritužbama na rad policijskog komesara i o tome obavještava ministra i Vladu Kantona;
- g) Donosi poslovnik o svom radu uz saglasnost Skupštine Kantona;

Nezavisni odbor sastoji se od 7 članova, koji nisu zaposleni u Ministarstvu i Upravi policije kao i drugim ministarstvima unutrašnjih poslova i policijskim organima u Bosni i Hercegovini.

Najmanje dva člana Nezavisnog odbora moraju biti diplomirani pravnici, odnosno osobe sa stečenom diplomom visokog obrazovanja pravne struke. Sastav Nezavisnog odbora odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštivanje spolne zastupljenosti.

Nezavisni odbor je imenovan na 10. sjednici Skupštine Zeničko-dobojskog kantona održanoj 18.06.2019. godine, na period od 4 godine, u sastavu:

1. Ahmić Melisa

2. Bolić Sead
3. Husanović Meris
4. Hadžić Sehadet
5. Redžić Almir
6. Spahić Taib
7. Udiljak Vanja

PODUZETE AKTIVNOSTI NEZAVISNOG ODBORA U IZVJEŠTAJNOM PERIODU

Nezavisni odbor je u izvještajnom periodu održao **12 sjednica**, na kojima se raspravljalo o ukupno **41 tački** dnevnog reda, te je doneseno **pored redovnih 12 zaključaka koji se odnose na izvještaje komesara i Uprave policije, još 4 zaključka koji se odnose na kadrovsku popunjenost, te migrante.**

Na sjednicama su razmatrani redovni mjesečni Izvještaji o radu policijskog komesara i Izvještaji o radu Uprave policije sa ocjenom stanja bezbjednosti za određeni vremenski period. Članovi Nezavisnog odbora su nastojali da davanjem određenih prijedloga i sugestija, doprinesu što boljem i kvalitetnijem radu Uprave policije, policijskog komesara, a time i cijelog Ministarstva.

Nezavisni odbor je u toku 2020. godine održao dvanaest sjednica.

Na 8. sjednici Nezavisnog odbora, koja je održana 23.01.2020. godine, razmatran je Izvještaj o radu policijskog komesara za mjesec decembar 2019. godine i Izvještaj o radu Uprave policije i stanju bezbjednosti za mjesec decembar 2019. godine na području Zeničko-dobojskog kantona, koje su nakon iscrpne diskusije i određenih sugestija komesaru datih u cilju poboljšanja rada policije, jednoglasno prihvaćeni.

Na 9. sjednici Nezavisnog odbora, koja je održana 30.01.2020. godine, Nezavisni odbor je donio Prijedlog Godišnje ocjene policijskog komesara MIP-a Zeničko-dobojskog kantona, te Razmatrao prijedloga Izvještaja o radu Nezavisnog odbora za 2019. godinu, koje je jednoglasno prihvatio, te donio Odluke o izboru novog predsjedavajućeg Nezavisnog odbora po principu rotacije, kojom je za predsjedavajućeg Odbora izabran Sead Bolić na period od sedam mjeseci.

Za rad policijskog komesara Ministarstva unutrašnjih poslova Zeničko-dobojskog kantona Šut Semira u 2019. godinu, Nezavisni odbor je jednoglasno predložio godišnju ocjenu "uspješan", na osnovu analize dosadašnjih mjesečnih izvješta o radu policijskog komesara, koje je komesar prezentovao na sjednicama Odbora, te na osnovu stanja bezbjedosti.

Na 10. sjednici Nezavisnog odbora, koja je održana 27.02.2020. godine razmatran je Izvještaj o radu policijskog komesara za mjesec januar 2020. godine i Izvještaj o radu Uprave policije i stanju bezbjednosti za mjesec januar 2020. godine na području Zeničko-dobojskog kantona, koji su jednoglasno prihvaćeni uz sugestiju komesaru da skrene pažnju policijskim

patrolama da zabrane migrantima da uzurpiraju saobraćajne raskrsnice i zadržavaju se na mjestima gdje ugrožavaju saobraćaj.

Osim navedenog, utvrđen je Izvještaj o radu Nezavisnog odbora za 2019. godinu.

Na 11. sjednici Nezavisnog odbora, koja je održana 30.04.2020. godine, godine razmatran je Izvještaj o radu policijskog komesara za mjesec februar i mart 2020. godine i Izvještaj o radu Uprave policije i stanju bezbjednosti za mjesec februar i mart 2020. godine na području Zeničko-dobojskog kantona, te je razmatrana bezbjednosna situacija u vezi proglašenog stanja nesreće uzrokovane pojavom koronavirusa (COVID – 19) na području Zeničko-dobojskog kantona.

Navedene izvještaje je Odbor jednoglasno prihvatio, a nakon okončane rasprave, Nezavisni odbor je primio na znanje usmenu informaciju policijskog komesara povodom bezbjednosne situacije u vezi proglašenog stanja nesreće uzrokovane pojavom koronavirusa (COVID – 19) na području Zeničko-dobojskog kantona.

Na 12. sjednici Nezavisnog odbora, koja je održana 28.05.2020. godine, Nezavisni odbor je razmatrao Izvještaj o radu policijskog komesara za mjesec april 2020. godine, te Izvještaj o radu Uprave policije i stanju bezbjednosti za mjesec april 2020. godine na području Zeničko-dobojskog kantona, koje je jednoglasno prihvatio.

Nezavisni odbor je na istoj sjednici donio zaključak da je, razmatrajući redovne mjesečne izvještaje policijskog komesara i Uprave policije uočio da su kadrovski potencijali Ministarstva unutrašnjih poslova Zeničko-dobojskog kantona na granici normalnog funkcionisanja, sa tendencijom da broj nedostajućih policijskih službenika bude i veći, te smatra da bi ministar Ministarstva unutrašnjih poslova i Vlada Kantona trebali da razmotre pitanje kadrovske popunjenosti MUP-a, jer to predstavlja važan indikator sigurnosti.

Na 13. sjednici Nezavisnog odbora, koja je održana 30.06.2020. godine, Nezavisni odbor je razmatrao Izvještaj o radu policijskog komesara za mjesec maj 2020. godine, te Izvještaj o radu Uprave policije i stanju bezbjednosti za mjesec maj 2020. godine na području Zeničko-dobojskog kantona, koje je jednoglasno prihvatio, uz predlog komesaru da se u budućnosti napravi medijska prezentacija svih policijskih organa koji komuniciraju sa građanima, odnosno da predstave javnosti cjeloviti rad Kantonale uprave policije kroz sve segmente, čime bi građani stekli veće povjerenje u rad policijskih organa.

Na 14. sjednici Nezavisnog odbora, održanoj 17.07.2020. godine, Nezavisni odbor je razmatrao Izvještaj o radu policijskog komesara za mjesec juni 2020. godine i Izvještaj o radu Uprave policije i stanju bezbjednosti za mjesec juni 2020. godine na području Zeničko-dobojskog kantona,

Nakon razmatranja Izvještaja o radu policijskog komesara za mjesec juni 2020. godine i Izvještaja o radu Uprave policije i stanju bezbjednosti za mjesec juni 2020. godine na području Zeničko-dobojskog kantona, Nezavisni odbor je iste jednoglasno prihvatio.

Na 15. sjednici Nezavisnog odbora, održanoj 25.08.2020. godine, Nezavisni odbor je razmatrao Izvještaj o radu policijskog komesara za mjesec juli 2020. godine i Izvještaj o radu

Uprave policije i stanju bezbjednosti za mjesec juli 2020. godine na području Zeničko-dobojskog kantona, koje je prihvatio, te je osim navedenog donio Odluku o izboru novog predsjedavajućeg Odbora po principu rotacije, kojom je izabrana Udiljak Vanja na period od sedam mjeseci.

Osim navedenog, Odbor je ponovo urgirao da ministar Ministarstva unutrašnjih poslova i Vlada Kantona razmotre pitanje kadrovske popunjenosti MUP-a, jer to predstavlja važan indikator sigurnosti.

Na 16. sjednici Nezavisnog odbora, održanoj 28.09.2020. godine, Nezavisni odbor je razmatrao Izvještaj o radu policijskog komesara za mjesec august 2020. godine i Izvještaj o radu Uprave policije i stanju bezbjednosti za mjesec august 2020. godine na području Zeničko-dobojskog kantona, koje je prihvatio bez primjedbi.

Na 17. sjednici Nezavisnog odbora, održanoj 28.10.2020. godine, Nezavisni odbor je razmatrao Izvještaj o radu policijskog komesara za mjesec septembar 2020. godine i Izvještaj o radu Uprave policije i stanju bezbjednosti za mjesec septembar 2020. godine na području Zeničko-dobojskog kantona, koje je prihvatio bez primjedbi uz određene prijedloge i sugestije.

Na 18. sjednici Nezavisnog odbora, održanoj 30.11.2020. godine, razmatran je Izvještaj o radu policijskog komesara za mjesec oktobar 2020. godine i Izvještaj o radu Uprave policije i stanju bezbjednosti za mjesec oktobar 2020. godine na području Zeničko-dobojskog kantona, koje je nakon iscrpne diskusije u vezi metodologije izrade izvještaja, problema migranata, nepropisnom parkiranju na kružnim tokovima, zloupotrebi narkotika i.t.d. prihvatio, uz određene prijedloge i sugestije.

Na 19. sjednici Nezavisnog odbora, održanoj 23.12.2020. godine, razmatran je Izvještaj o radu policijskog komesara za mjesec novembar 2020. godine i Izvještaj o radu Uprave policije i stanju bezbjednosti za mjesec novembar 2020. godine na području Zeničko-dobojskog kantona, koji su nakon diskusije jednoglasno prihvaćeni, us sugestiju komesaru u vezi popune 39 državnih službenika i 75 namještenika koji nedostaju i stalno se ponavljaju u izvještajima, da li je ta popuna radnih mjesta dobro Pravilnikom o sistematizaciji utvrđena, da se nešto i na tom planu treba učiniti prema Vladi.

Nezavisni odbor je donio i zaključak kojim predlaže policijskom komesaru da intenzivira aktivnosti prema nadležnim organima Bosne i Hercegovine na zaštiti granica i smještaju migranata u skladu sa najboljim interesima Bosne i Hercegovine.

NADLEŽNOSTI NEZAVISNOG ODBORA U VEZI SA DISCIPLINSKIM POSTUPKOM

U navedenom izvještajnom periodu Nezavisni odbor nije koristio zakonska ovlaštenja iz člana 45. Zakona o unutrašnjim poslovima Zeničko-dobojskog kantona u pogledu iniciranja

pokretanja disciplinskog postupka za povrede službene dužnosti policijskog komesara jer za to nije bilo potrebe odnosno nije bilo slučajeva zbog kojih bi se koristilo pomenuto ovlaštenje.

ZAKLJUČCI

U skladu sa nadležnostima Nezavisnog odbora definisanim Zakonom o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19 i 21/20), a na osnovu redovnog upoznavanja sa izvještajima o radu policijskog komesara i Uprave policije, mogu se izvesti sljedeći zaključci:

1. Nezavisni odbor redovno je pratio rad policijskog komesara razmatranjem i evaluacijom navedenih mjesečnih izvještaja. Po navedenim izvještajima vođena je diskusija, zauzimani su odgovarajući stavovi i donošeni su zaključci o njihovom prihvatanju;
2. U cilju poboljšanja objektivne i subjektivne sigurnosti građana, Nezavisni odbor je utvrdio određeni broj prijedloga i sugestija, koje su uvažene od strane policijskog komesara;

Ostvarena je profesionalna i efikasna saradnja sa policijskim komesarom koji je uvažavao preporuke i sugestije Nezavisnog odbora, a s ciljem metodološkog i sadržajnog poboljšanja izvještaja o radu, te određenih sigurnosnih parametara neophodnih za daljnje jačanje i poboljšanje sigurnosti u Zeničko-dobojskom kantonu.
3. Nijedan prijedlog niti sugestija nije sadržavao elemente uplitanja u operativni policijski rad niti je imao karakter političkog uticaja na rad policije;
4. Nezavisni odbor je radio u uslovima pandemije izazvane korona virusom, što je rezultiralo povećanim brojem izdatih prekršajnih naloga zbog nepoštovanja naredbi Federalnog Štaba civilne zaštite (nepoštovanje naredbi o zabrani kretanja, nepoštovanje naredbi o nošenju zaštitne opreme);
5. Nezavisni odbor je posebno zahtijevao od komesara da informiše Odbor o kretanju migranata, te zahtijevao pojačane mjere i aktivnosti, zbog sigurnosti građana.

MJERE I PREPORUKE

Nezavisni odbor će i u budućnosti nastojati da svojim aktivnim i proaktivnim djelovanjem unapređuje i prati rad policije, s ciljem da se svim našim građanima omoguće što bolji sigurnosni uslovi – i objektivni i subjektivni, da kontinuirano jača povjerenje građana u rad policije, te da se ostvari daljnje unapređenje kvaliteta života građana u našoj društvenoj zajednici.

U budućnosti je potrebno i snažnije proaktivno djelovanje i primjena određenih ciljanih sigurnosnih mjera i postupaka policije u područjima za koje su prisutni pojedinačni sigurnosni događaji koji uznemiruju javnost (paljevine, upotreba vatrenog oružja, neprimjereni postupci policije i sl.), a s ciljem da rezultati policije u cjelini budu odraz ukupnog i profesionalnog i rukovodnog djelovanja orijentisanog i prema represivnom radu, ali i primjeni projekata rada policije u zajednici – "community policing".

Broj: 01-03-1043-2 /21

Zenica, 25.01.2021. godine

Dostavljeno:

- 1x Skupštini Zeničko-dobojskog kantona;
- 1x U spis predmeta 20. sjednice NO

PREDSJEDAVAJUĆA

Vanja Udiljak

